

王金園

痘疹金鏡錄

中下

增補痘疹玉體金鏡錄真本卷中

信州

翁仲仁

輯著

雲間

南陽

陸道元

補遺

同兄

明暘

陸道光

泰

春江

資事堂

校梓

驗形察色

夫痘有氣血之盛衰有形色之輕重大抵形屬于氣而色屬于血也初出之時點若蚊咬滯而不起雖起塌潤皮薄而軟邪視若無面唇先腫小者稠密而大者平陷此皆氣虛形重也小而高聳根欽圓淨先出先長日見活動光潤不燥堅實碍指頭面

稀疎飲食不減此皆氣旺形輕也見點之初頂若火刺紅而乾
枯紫而昏暗夾斑帶疹白而枯澁黑若塵鋪此皆毒滯色重也
初出淡紅漸覺明亮四五日之間頂若水白根窠紅潤此皆血
活色輕也然則治痘者豈不因其形色之輕重而藥之哉亦有
痘色紅紫根窠成片近黑上如烏羽而有沙眼摸過轉色者尤
有活血之意如無雜症或有可救若黑如炭者此血死不可治
也凡看痘色倣此推之

痘疹驚搐

經曰諸風掉眩皆屬肝木然痘出之始雖有四臟心實主之心
火熱盛肺金受尅不能制伏肝木熱則生風上火相傳神氣不

安故發驚搐醫者當辯痘疹驚搐不可劇投涼心之藥苟不審而槩以驚藥治之則心寒而肌歛毒氣內陷痘何由而出也治法當平肝木利小便爲切要瀉肝則風去利小便則心熱退風熱既定則痘隨出而驚搐自愈矣然痘先驚者多吉痘後驚者多凶何也痘未出之先熱蘊于內故作驚搐痘出驚止而內無凝滯故吉痘出之後氣血虛弱復感風寒熱毒反滯又毋敢輕易發散清利故凶然有非痘症而慢驚者亦屬于肝而治法專理脾土何也蓋曰平日或吐或瀉脾土虛弱不能當肝火所尅也非肝木之本病也治法只須溫補脾土爲主而肝木自寧譬如土薄而上有大木不能乘載故無風而自動栽培者當厚填

其土使根深本固而自無風邪之害也。症後有此症者，亦有氣血虛極使然也，必爲難治。

變黑腰疼

夫變黑與腰疼之症俱屬火盛熱極而然。經所謂亢則害，承迺制之意也。外火灼于肌膚之間，故其色黑；火熱亢極，腎水枯竭，故腰疼耳。獨不觀腰疼而後出者，其色乾枯，非紅則紫，非紫則黑，是變黑腰疼之症其屬火也明矣。治斯症者，必大用清涼解毒于見點之初，斟酌下之，亦可使熱毒得解，然後調理氣血。如此治之，庶可挽回于萬一，不然束手待斃，悔無及矣。可不懼乎。

灰白痒塌

痘有灰白痒塌者乃氣血虧弱而變爲虛寒也陽分者氣居之地也陰分者血居之地也陽氣弱則陷于陰亡血盛則乘于陽氣虛則血進血虛則氣凌自然之理也氣虛則爲麻爲痒爲陷血熱則爲乾爲燥爲痛痘色白者必至于灰慘者必至于平伏痒塌此皆氣虛而不起脹血虛而不華色治法以補中益氣合四物湯補氣補血內有熱者加清利解毒之藥使血活氣行白可變爲紅矣苟單補氣而不理血則氣血燥熱而痒塌愈甚矣

音啞作噎

夫人之氣出于肺之氣喉而爲聲然肺爲金又曰金空則鳴其喉之竅虛則聲出而清惟痘瘡則發氣拘血載熱毒上行熱能

生痰有碍氣道其毒不能盡行于肌表故成音啞音啞者痘出肺竅其初小而不覺及肌膚之痘成漿內亦成漿其毒壅盛則肺竅窄狹而肺金受火邪之尅此音之所以不清也肺同氣之出入而食喉者乃飲食所進之處茶水噙者火甚毒壅厭門不易進納而乃溢入氣喉氣喉者不受物之所故發爲噙然進穀食而不噙者蓋以食有渣滓自能入其門而非若水溢而不犯氣道故也七日以前痘色紅紫而兼此症者乃火氣炎上熱毒壅塞故也痘色灰白不起而兼此症者乃氣血虛弱肺胃受傷故也然此俱是逆症六日以後外痘蒸長光潤而有此症者是內痘亦長使之而然也外症結痂而內痘自愈矣不必慮也善

治者當觀其毒盛之症于其咽喉而燥之先而用甘桔湯解毒湯或加麥門冬杏仁牛蒡玄參荆芥之類以清氣道不使熱毒有犯則自能免此患矣

寒戰咬牙

夫痘症有寒戰咬牙者或謂心火熱甚亢極而戰反兼水化制之此爲病熱或曰俱屬于寒如嚴冬之氣伏陽在內不勝其寒手足戰慄而齒自動也此陳氏以本香與攻而取効非寒而何偏寒偏熱皆未得其病之旨也斯症有先後之序用藥有緩急之宜七日以前寒戰者乃心火亢極上燠肺金而孔竅閉塞故寒戰也當以表熱治之七日以前咬牙者乃陽明胃經主之陽

明主肌肉其經走上下齒齦邪併陽明故咬牙也主胃熱宜清
之七日以後寒戰者乃陰凝于陽七分虛則陰入氣道而作寒
戰也宜以氣虛治夜大用參芪加姜桂木香以溫陽分七日以
後咬牙者陽陷于陰七分虛則陽入血道而作咬牙也主血虛
宜補之大用參芪加當歸川芎干姜以實陰虛是七日前有此
症者屬熱而齒七日後有此症者屬虛而亦有可治又兼痘色
而熱其舌齒或單于寒戰者當補氣之中兼補血單于咬牙者
主補血之中兼助氣然此二症多發于痘後其屬虛無疑矣雖
有少熱亦餘熱耳

乾枯陷伏倒靨

夫痘色乾紅七後必變紫七必變黑七必枯陷此內熱漸變一定之機也治者當于乾紅之時急宜解散涼血退熱清利頂雖平陷不可以氣虛例之而用參芪補劑補則氣盛而血愈乾涸矣丹溪曰瘡乾者宜退火止用輕劑荊芥升麻乾葛之類濕者自瀉宜用風藥白芷防風之類或利小便所謂陷伏倒靨者其刑畧似其症不同內虛確能盡出者爲陷伏外被風寒所迫或被惡氣衝觸而不得出者爲倒靨有胃虛而不能副榮衛者雖出而復沒故斑暈白色或黑此內虛所致故出而無氣血以應之其人必不能食或大便自利小便不赤或倦或嘔四肢微厥所由內虛而不能出此爲陷伏也當此宜用辛溫之藥令其胃

煖而榮衛無滯必自然出矣如理中湯活血散木香異攻之類
此治內虛而陷伏也痘點既出外被風寒所感使肌竅復閉氣
血凝滯而不行若此者必身痛微厥氣血盛實與風寒相搏于
肌膚必大小便閉痘點不長或黑紫或平濶此爲倒靨也當此
宜溫肌發散風寒如參蘇飲小柴胡湯或加紫草蟬退姜蚕之
類溫散風寒則熱氣自然流通而痘必復長矣此治外感而倒
靨者也

煩燥啼叫

夫發痘之時五臟熱毒自裏達外有煩燥悶亂不眠譫語發狂
啼叫者皆由熱毒蘊蓄于中而不得發越故也治宜涼血解毒

大小便閉者常清利之煩燥厥冷者吳茱萸湯亦有痘出之時
或痘後煩燥者蓋因氣血虛弱餘熱積于內也又宜大補氣血
為主而煩燥自定矣

乾發渴

夫水潤下火炎上自然之理也三焦者水穀之道路津液者乃
氣之精化而流通三焦以制火者也口乾而渴者爲氣虛火盛
而津液枯竭也經曰脾熱則口酸心熱則口苦脾熱則口甘肺
熱則口辛腎熱則口鹹或口淡者胃熱也是五臟之熱乃火之
使然夫火之爲物非虛不發上而不解則津液不能上行以制
火上氣炎上薰灼心脾是以津液爲之下陷華池爲之乾涸故

發而爲渴也痘前渴者宜清金利水或柴苓湯加干葛荊芥痘後渴者大補元氣保元湯或加麥門冬五味子如瀉者參苓白朮散之類有陰虛火動而渴者最爲難療陰虛者血虛也血虛不能峻補蓋血與氣大有不同氣無形之物血有形之物無形者有神卒能旺于斯須有形者無神須當養于平日故氣少虛可以補之血若一虛更難氣治此又當詳審而不可忽也

咳嗽痰涎

咳嗽者乃邪氣上衝痰滯不行是爲咳嗽故曰咳謂無痰而有痰肺氣傷而音不清嗽謂無痰而有痰脾濕動而痰氣侵惟痘疹之嗽或因熱毒壅遏而不得發散或因氣血虛弱而外感風

寒則痰寒肺竅而不得流通以致咳嗽故治嗽者當以治痰爲
先治痰者以順氣爲本是以南星半夏勝其痰而咳嗽自愈
穀橘紅利其氣而痰飲自除清肺金解熱毒而邪火自退亦有
痘後咳嗽脇痛者經云左右者陰陽之道路兩脇之謂也由餘
毒在中陰陽之氣不能升降故作脇痛治宜小柴胡湯加赤茯
苓五味枳殼桔梗之類使二氣流行而痛自定矣有痘疹痰涎
膠固因毒氣閉塞而有碍于津液津液不能流通故作痰涎正
氣被塞于胸膈或喘或咳嗽喉中作聲如拽鋸乳食湯液入口卽
噎吐出者此毒氣停積于肺胃也當升發解毒若用半夏等治
非其法矣滴藥不受者死

痘內夾斑

夫斑者乃血之餘也有點而無頭粒然痘隨臟而出其勢迅速血熱毒盛之痘太過之血夾毒上浮乘其痘之熱而發爲斑也如痘毒起齊內必虛矣內虛則斑從內解如不解當散其火邪兼活血解毒之藥用玄參升麻湯黃芩荆芥白芍歸芍在初多用表散在後多用解利伺其斑退血附當用補藥以防其損陷之患也紅斑易退紫斑稍難藍斑亦不必治矣

痘夾丹疹與麻疹不同

夫痘毒肝毒各有不同蓋痘毒出于臟麻疹出于腑。腑乃積受之地腑爲傳送之所。臟屬陰故其受毒爲最深。腑屬陽故其受

毒爲差淺。故痘之發。類乎天行時氣。疹之發。中于時氣。風寒。當從外解。疹當從內解。麻疹之發。輕而易解。若有不解者。乃爲內實。而外中風寒之盛也。夫麻疹多屬于肺。故嗽而始出。起而成粒。勻淨而小。暢氣從上。故頭面愈多者。爲佳。治則參蘇飲升麻葛根湯。小柴胡湯。重則麻黃湯。以表散爲主。丹疹多屬于脾。隱在皮膚之間。或成塊。赤如瘡。頭面矣。多起于手足身背之上。發則多痒。或麻木。是兼濕痰之殊色。紅者兼火化也。治以燥脾去濕爲主。如痘內夾出丹疹者。不必治之。當以托痘爲主。痘出而疹自淡矣。

水泄失血

痘疹發而爲水泡者乃氣有餘而血不足之症也。凡痘疹毒盛火熾之時火不能炎上水不得潤下搏激于皮膚之間而爲水泡若沸釜焉下之火盛則釜內之水必爲之發泡亦有脾胃虛弱不能制水以致水溢皮膚之間而爲水泡治之者當補脾順氣而虛泡自實矣。凡泡之白者氣之虛白而有清水者氣之實泡紅紫者血之熱皆熱毒未出而賊邪先爲之害也。亦有失血之痛乃氣盛致毒爲賊邪阻塞清道熱盛火熾而氣與毒相夾交爭血不能勝以致錯經妄道渙散無統是皆氣盛于血之患也。然血之妄行有從口鼻出者有從大小便出者有從瘡毒出者惡皆難治有從鼻出而得生者何也蓋爲氣盛逐血七載毒